

मार्निंग डोगरी न्यूज बुलेटिन, समें. 09.20 Hrs

<><><><><><>

## Headlines

1. गृह मंत्री अमित शाह होरें जम्मू-कश्मीर बारै उच्ची सतह दी सुरक्षा समीक्षा बैठक दी प्रधानता कीती ते सुरक्षा एजेंसिएं गी आखेआ जे ओह जम्मू-कश्मीर गी आतंकवाद शा मुक्त बनाने दे लक्ष्य गी तौले शा तौले हासल करन।
2. मुखमंत्री उमर अब्दुल्ला होरें आखेआ ऐ जे सरकार प्रभावित होए दे मेडिकल विद्यार्थिएं गी बाद्दू सीटें आली बवस्था तैहत होरनें मेडिकल कालेजें च दाखले देग।
3. ट्रांसपोर्ट मंत्री सतीश शर्मा होरें नमीं दिल्ली च बक्ख-बक्ख राज्यें दे ट्रांसपोर्ट मंत्रिएं दी राश्ट्री बैठक च हिस्सा लैता ते प्रदेश च आटोमेटेड टेस्टिंग स्टेशनें लेई केंद्री मदाद यकीनी बनाई।
4. जम्मू-कश्मीर दे 14एं जिलें च 100 फीसद साक्षरता दर दी उपलब्धि हासल करी लैती ऐ ते बाकी दे 6 जिले बी तौले गै एह संगेमील हासल करी लैडन।
5. घाटी च सीत लैह ते जम्मू च घनी धुंध दा प्रकोप जारी ऐ। प्रदेश दिएं केई थाहें पर तापमान सिफर शा हेठ दर्ज कीता गेआ ऐ।

-----  
<><><><><><>

केंद्री गृह मंत्री अमित शाह होरें आखेआ ऐ जे आतंकवादी ढांचें ते आतंकी गतिविधिं लेई जारी होने आहले रपे-पैसे खलाफ अभियान लाजमी तौरा पर इक मिशन आली भावना कन्ने बरोबर जारी रक्खे जाडन। जम्मू-कश्मीर बारे लोआई गेदी इक उच्ची सतह दी सुरक्षा समीक्षा बैठक दी प्रधानता करदे होई शाह होरें आखेआ जे जम्मू-कश्मीर गी तौले शा तौले आतंकवाद शा मुक्त बनाने दा लक्ष्य हासल करने लेई सब्बै संसाधन उपलब्ध करोआए जाडन। शाह होरें सभनें सुरक्षा एजेंसिं गी निर्देश दिता जे ओह सोहगे-सतर्क रौहंवे होई आपसी तालमेल बनाइयै कम्म करदे रौहन तां जे इस गल्लै गी पक्का कीता जा जे दफा-370 गी हटाए जाने दे बाद जेहडे लाह हासल होए हे ओह अग्गे बी बरकरार रौहन। इस बैठका च एल.जी मनोज सिन्हा, केंद्री गृह सचिव गोविंद मोहन, आई.बी दे डरैक्टर तपन कुमार डेका, मुख्ख सचिव ते डीजीपी होरें बी हिस्सा लैता।

<><><><><><>

## J&K Medical Students

मुख्खमंत्री उमर अब्दुल्ला होरें भरोसा दोआया ऐ जे सरकार श्री माता वैशुगो देवी मेडिकल कालेज दे बंद होने करी प्रभावित विद्यार्थिं गी होरनें संस्थानें च दाखिला लेइयै राहत पजाग। उनें इस गल्लै पर जोर दिता जे विद्यार्थिं दी पढ़ाई दा नुकसान नेई होन दिता जाहग। उनें इब्बी आखेआ जेकर मेडिकल कालेज च मानकें दी बरतून नेई कीती गेई तां जवाबदेही बी यकीनी बनाई जानी लोइचदी। मीडिया कन्ने गल्लबात करदे होई मुख्खमंत्री होरें आखेआ

मुख्यमंत्री होंरें इब्बी आखेआ जे जम्मू-कश्मीर सरकार श्री माता वैशणो देवी युनिवर्सिटी गी दिती जाने आहली सहायता अनुदान वापस नेई लैग।

<><><><><><>

### Transport Meet

ट्रांसपोर्ट मंत्री सतीश शर्मा होंरें जंदे रोज नमीं दिल्ली च सभनें राज्यें ते केंद्र शासित प्रदेशें दे ट्रांसपोर्ट मंत्रियें दी बैठक च हिस्सा लैता। एहदे कन्नोकन्नी शर्मा होंरें केंद्री मंत्री नितिन गडकरी हुंदी अध्यक्षता च लोआई गेदी 43मीं ट्रांसपोर्ट विकास काउंसल दी बैठका च बी शिरकत कीती। उनें बन्नै ते दूर-दरेडे इलाकें च एमरजेंसी मेडिकल सेवाएं ते ट्रांसपोर्ट कन्नै जुड़े दे मुद्दें गी पुट्टेआ ते इनें इलाकें च एम्बुलेंसें ते यानि बसें दी दस्तयाबी दी गुजारश कीती। शर्मा होंरें जम्मू ते श्रीनगर च आटोमेटेड टेस्टिंग स्टेशनें लेई केंद्री फंड दी मंग बी कीती जिसी केंद्री मंत्री गडकरी होंरें मौके पर गै मंजूरी देई दिती। मगरा शर्मा होंरें राश्ट्री ट्रांसपोर्ट युनियन कन्नै मलाटी कीती ते उंनेंगी जम्मू-कश्मीर दे सैलसफा ते बपार विकास च सक्रिय रूपै कन्नै हिस्सा लैने लेई साद्दा दिता।

<><><><><><>

### Wular Preservation

जल शक्ति मंत्री जावेद अहमद राणा होंरें आखेआ ऐ जे वुल्लर झील दा संरक्षण उमर अब्दुल्ला हुंदी अगुवाई आहली सरकार दी इक मुख प्राथमिकता ऐ। श्रीनगर च इक जायजा बैठक दी प्रधानता करदे होई उनें अधिकारिएं गी निर्देश दिता जे ओह पानी दे उचित इस्तेमाल, ओदी

गुणवत्ता च सुधार, कचरे दे प्रबंधन ते पर्यावरण दे अनुकूल पर्यटन ढांचे गी बढ़ावा देने आले हीलें गी अमल च आहन्न। मंत्री होरें परियोजनाएं गी बेल्ले सिर तोढ़ चाढ़ने, गैर कनूनी कब्जे करने आलें दे खलाफ सख्त कार्रवाई करने, प्रवाणी पक्खरूएं दी हिफाजत यकीनी बनाने ते हाड़ें दी रोकथाम ते जैविक बन्न-सबन्नता दे संरक्षण च वुल्लर झील दी भूमिका गी मजबूत करने दी जरूरतें पर जोर पाया। सरबंधत अधिकारिणं गी आखेआ गेआ जे ओह राजस्व पैदा करने ते साधने-स्रोतें दा पता लाने लेई सर्वेक्षण करोआने दे कम्में गी बी तोढ़ चाढ़न।

<><><><><><>

### Security-Tightened

औंदे गणतंत्र दिवस आले समारोहें शा पैहले जम्मू-श्रीनगर राश्ट्री शिड़क एन.एच-44 पर सुरक्षा बवस्था निग्गर करी दिती गई ऐ। प्रशासन नै जरनैली शिड़कें पर बाद्तू नफरी लाने, जांच नाके स्थापित करने ते गश्त बधाने दे हीलें गी अमल च आहन्नेआ ऐ तां जे गड्डिणं दी बवस्थित आओजाई दे कन्नोकन्नी कुसै माड़ी घटना गी बी रोकेआ जाई सकै। इनें हीलें दा मकसद कनून बवस्था दी स्थिति गी बरकरार रखना ते यात्रिणं दी सुरक्षा गी यकीनी बनाना ऐ। अधिकारिणं मूजब प्रदेश च गणतंत्र दिवस दिणं तैयारिणं दे इक हिस्से दे तौर पर सुरक्षा बवस्था निग्गर करी दिती गई ऐ।

<><><><><><>

### Full Literacy

जम्मू-कश्मीर दे 14 जिले पूरी चाल्ली साक्षरता हासल करी लैती ऐ जेहड़ी शिक्षा दे खेतर च इक बड्डी छाल ऐ। शिक्षा मंत्री सकीना इत्तू होरें आखेआ ऐ जे बाकी दे जिले जिंदे च बडगाम,

कुपवाड़ा, रियासी, डोडा ते किश्तवाड़ गी बी तौले गै पूरी साक्षरता दा दर्जा हासल होई जाहग। उनें आखेआ जे जम्मू-कश्मीर सरकार समाज दे सभनें वर्गे लेई समावेशी ते बरोबरी आहली शिक्षा दे लक्ष्य कन्ने दूर-दरेडे इलाकें च विद्यार्थिं तगर पुज्जने आस्तै प्रौद्योगिकी आधारित पैहलकदमिं दे रां सार्वभौमिक साक्षरता यकीनी बनाइयै ते स्कूली शिक्षा च सुधार करियै केंद्र शासित प्रदेश च शिक्षा सैक्टर गी मजबूत बनाने लेई बचने-बज्झी दी ऐ।

<><><><><><>

National Sports Conf.

जम्मू-कश्मीर आसेआ औंदी 17 ते 18 जरवरी गी जम्मू दे कन्वेंशन सेंटर प्रदेश दी पैहली-पैहली राश्ट्री स्तर दी खेड्ड कांफ्रेंस दी मेजबानी कीती जाहग। युवा सेवाएं ते खेड्डें सरबंधी निदेशालय आसेआ आयोजित कीते जाने आहले दऊं दिनें दे इस कार्यक्रम दा मकसद खेड्ड ढांचे गी तगड़ा बनाना, युवाएं दी हिस्सेदारी गी बधाना ते 'खेलेगा भारत खिलेगा भारत' ज्नेह्ी राश्ट्री स्तर दिं पैहलकदमिं मूजब अपने प्रदेश गी अगगे बधाना ऐ। इस सम्मेलन च खेड्ड प्रशासक, नीतियां बनाने आले, कोच ते खड्डारी बी कौशल विकास, भलेआं हेठली सतह पर खेड्ड सुविधाएं दे बाद्दे विस्तार ते खेड्डें सरबंधी टिकाऊ मंचें ज्नेह् विशें पर बचार सांझे करडन। युवा सेवाएं ते खेड्डें सरबंधी विभाग दिं डरैक्टर जनरल अनुराधा गुप्ता होरें आखेआ ऐ जे इस सम्मेलन दा आयोजन एह् दर्शादा ऐ जे जम्मू-कश्मीर, खेड्डें दे इक गढ़ दे तौर पर उभरियै सामने आवा'रदा ऐ।

<><><><><><>

## CS JKRLM

मुख्य सचिव अटल डुल्लू हों कल जम्मू-कश्मीर ग्रामीण आजीविका मिशन दी कार्यकारी काउंसल दी 9मीं बैठक दी प्रधानता कीती। इस दरान उनें सभनें जिलें च समुदायें दे प्रबंधन आले सिखलाई केंद्रें गी चालू बनाने, घरें कश उपलब्ध बैंकिंग सेवाएं च बाद्धा करने ते लाल देद स्त्री शक्ति ते मिशन युवा ज्नेही योजनाएं दी पुज्ज बधाने दे निर्देश जारी कीते। बैठका दरान जम्मू-कश्मीर, ग्रामीण आजीविका मिशन दिएं उपलब्धिएं दा जायजा लैता जिंदे च 7 लकख 84 जहार 53 परोआरें गी 96 जहार आप सहायता समूहें कन्नै जोड़ना, स्टार्ट अप ग्रामीण उद्यमिता प्रोग्राम तैहत 8 जहार 231 उद्यमें गी मदाद देना ते 2 लकख 1 जहार महिलाएं गी लखपति दीदी बनाना शामिल ऐ।

<><><><><><>

## Weather

श्रीनगर समेत कश्मीर च कई थाहे वीरवारें इस मौसम दी सभनें शा ठंडी रात रेई ते समूलची घाटी च तापमान च गिरावट दर्ज कीती गई। श्रीनगर च घट्टोघट्ट तापमान मनफी 5 अशारिया 1 डिग्री सेल्सियस दर्ज कीता गेआ जेहड़ा पिछली रातीं मनफी 1 अशारिया 6 डिग्री सेल्सियसत हा। सोनमर्ग च मनफी 9 अशारिया 8 डिग्री, गुलमर्ग च मनफी 9 अशारिया 2 डिग्री ते पहलगाम च मनफी 8 अशारिया 6 डिग्री सेल्सियस तापमान दज्र कीता गेआ। जम्मू खिते च बी तापमान च बड़ी मती गिरावट दर्ज कीती गई ते केई इलाकें च ठंडू दा तापमान 2 डिग्री सैल्सियस, भद्रवाह च मनफी 3 अशारिया 4 डिग्री ते कटड़ा च 4 अशारिया 1 डिग्री तापमान दर्ज कीता गेआ। जम्मू खिते च कोहरे कारण बी इलाकें च गड्डिएं दी आओजाई च रूकावट पेश आई। विभाग नै

मौसम खुशक पर बद्दल छाप दे रौहने दी पेशगोई कीती ऐ ते 20 जनवरी तगर रातीं दे तापमान च होर गिरावट औने दी मेद ऐ। इस बारे होर मती जानकारी दिंदे होई मौसम विभाग दे निदेशक मुख्तार अहमद होरें दस्सेआ .

<><><><><><>